

ხ ე ლ შ ე კ რ უ ლ ე ბ ა N122
სარეკლამო მომსახურების შესახებ
23.10.2015

ჩვენ, ქვემოთ ხელის მომწერნი ერთის მხრივ, - სსიპ „საინფორმაციო ცენტრი ნატოსა და ევროკავშირის შესახებ“ (შემდგომში „დამკვეთი“) წარმოდგენილი მისი დირექტორის ელენე გოცაძის სახით, და მეორეს მხრივ შემსრულებელი შ.პ.ს „ალმა“, მისი დირექტორის გიორგი ტრაპაიძის სახით (შემდგომში, „შემსრულებელი“) საქართველოს კანონის 10¹ - ე მუხლის 3 პუნქტის „ვ“ ქვეპუნქტის შესაბამისად ვადგენთ წინამდებარე ხელშეკრულებას შემდეგზე:

1. ტერმინთა განმარტებები

- 2.1. წინამდებარე ხელშეკრულების მიზნებისათვის ხელშეკრულებაში გამოყენებულ ტერმინებს აქვთ შემდეგი მნიშვნელობა:
 - 2.1.1. სარეკლამო მონიტორი – შემსრულებლის საკუთრებაში ან/და სარგებლობაში არსებული მონიტორი, რომელიც გამიზნულია დამკვეთის სარეკლამო მასალის განსათავსებლად;
 - 2.1.2. სარეკლამო რგოლი – დამკვეთის მიერ შემსრულებლისთვის მიწოდებული ვიდეო რგოლი, რომელშიც გამოსახულია დამკვეთის სარეკლამო ინფორმაცია ტექსტის ან/და გრაფიკული გამოსახულების სახით;
 - 2.1.3. სამუშაო/საბანკო დღე – კალენდარული დღე, გარდა, შაბათის, კვირისა და საქართველოს შრომის კოდექსით განსაზღვრული უქმე დღეებისა;
 - 2.1.4. სრული საანგარიშო (საოპერაციო) თვე – დროის მონაკვეთი კალენდარული თვის პირველი რიცხვიდან თვის ბოლო რიცხვის ჩათვლით, რომლის განმავლობაშიც ხორციელდება სარეკლამო მომსახურება;

3. ხელშეკრულების საგანი

- 3.1. წინამდებარე ხელშეკრულებით შემსრულებელი იღებს ვალდებულებას ნატოს კვირეულის ფარგლებში მოემსახუროს დამკვეთს სარეკლამო ვიდეო რგოლით SPV79341000 განათავსოს ფილარმონიის ფასადზე მდებარე მონიტორზე, ხოლო დამკვეთი იღებს ვალდებულებას გაწეული მომსახურების სანაცვლოდ გადაუხადოს შემსრულებელს ამ ხელშეკრულებით განსაზღვრული მომსახურების ღირებულება.
- 3.2. სარეკლამო რგოლის განთავსების მომსახურებაზე გაფორმდება დანართი № 1, რომლითაც განისაზღვრება მომსახურების პირობები (სარეკლამო რგოლის ხანგრძლივობა, გაშვების სიხშირე, სარეკლამო მომსახურების ვადა) და ღირებულება.

4. მხარეთა უფლება-მოვალეობები

- 4.1. შემსრულებელი ვალდებულია:
 - 4.1.1. სარეკლამო რგოლი განათავსოს ხელშეკრულებით შეთანხმებული პირობებით;
 - 4.1.2. სარეკლამო რგოლის ხარვეზის აღმოჩენის შემთხვევაში ამ გარემოების შეტყობიდან 2 (ორი) სამუშაო დღის ვადაში აცნობოს დამკვეთს;
- 4.2. შემსრულებელი უფლებამოსილია:
 - 4.2.1. დამკვეთისგან მოითხოვოს წინამდებარე ხელშეკრულებით და საქართველოს კანონმდებლობით ნაკისრ ვალდებულებათა ჯეროვანი შესრულება;
 - 4.2.2. მოსთხოვოს დამკვეთს ხელშეკრულების შეუსრულებლობით ან არაჯეროვანი შესრულებით გამოწვეული ზიანის ანაზღაურება;
 - 4.2.3. დამკვეთის მიერ სარეკლამო მომსახურების ღირებულების გადახდის ვადის გადაცილების შემთხვევაში შეწყვიტოს მომსახურების გაწევა.
- 4.3. დამკვეთი ვალდებულია:
 - 4.3.1. ხელშეკრულებით გათვალისწინებული პირობებით განახორციელოს სარეკლამო მომსახურების ღირებულების გადახდა;
 - 4.3.2. გონივრულ ვადაში გადასცეს შემსრულებელს სარეკლამო რგოლი;
 - 4.3.3. 4.3.2. პუნქტით გათვალისწინებული ვალდებულებების შეუსრულებლობის შემთხვევაში დამკვეთი არ თავისუფლდება სარეკლამო მომსახურების იმ პერიოდის ღირებულების

4.3.4. გადახდისაგან, რა პერიოდითაც რგოლი არ იყო განთავსებული სარეკლამო კონსტრუქციაზე; უზრუნველყოს სარეკლამო მასალაზე განთავსებული ინფორმაციის შესაბამისობა საქართველოს კანონმდებლობის მოთხოვნებთან. ამ ვალდებულების შეუსრულებლობიდან გამომდინარე ყველა სახის პასუხისმგებლობა ეკისრება დამკვეთს.

4.4. დამკვეთი უფლებამოსილია:

4.4.1. შემსრულებლისგან მოითხოვოს წინამდებარე ხელშეკრულებით ნაკისრ ვალდებულებათა ჯეროვანი შესრულება.

4.4.2. მოსთხოვოს შემსრულებელს ხელშეკრულების შეუსრულებლობით ან არაჯეროვანი შესრულებით გამოწვეული ზიანის ანაზღაურება.

5. სახელშეკრულებო ღირებულება და ანგარიშსწორების პირობები

- 5.1. წინამდებარე ხელშეკრულებით გათვალისწინებული მომსახურების ღირებულებები განისაზღვრება ხელშეკრულების დანართ № 1-ში;
- 5.2. ანგარიშსწორება განხორციელდება დანართ № 2-ში მოცემული გადახდის გრაფიკის შესაბამისად, ეროვნულ ვალუტა ლარში ნაღდი ან უნაღდო ანგარიშსწორების ფორმით;
- 5.3. მომსახურების ღირებულების გადახდის ვალდებულება წარმოიშობა ხელშეკრულების საფუძველზე.

6. მხარეთა პასუხისმგებლობა

- 6.1. გადახდის ვადის 1 (ერთი) საბანკო დღეზე მეტი ხნით გადაცილების შემთხვევაში, შემსრულებელს უფლება აქვს წარუდგინოს დამკვეთს წერილობითი მოთხოვნა საჯარიმო სანქციის გადახდის შესახებ (პირგასამტეხლო) გადაუხდელი მომსახურების ღირებულების 0,5 %-ის ოდენობით (ნული მთელი, ხუთი მეთაღი პროცენტი) ყოველი გადაგადაცილებული კალენდარული დღისათვის, დაწყებული გადაგადაცილების მეორე კალენდარული დღიდან.
- 6.2. დამკვეთის მიერ ხელშეკრულების ვადაზე ადრე შეწყვეტის შემთხვევაში, იგი ვალდებულია გადაუხადოს შემსრულებელს პირგასამტეხლო მთლიანი სახელშეკრულებო ღირებულების 10 %-ის ოდენობით.
- 6.3. მოცემული ხელშეკრულებით ყველა საჯარიმო სანქცია შეიძლება გამოყენებულ იქნას მხარეთა შეხედულებისამებრ და ჩაითვალოს სავალდებულო გადასახადად მხარის მიერ შესაბამისი წერილობითი მოთხოვნის წარდგენის მომენტიდან. საჯარიმო სანქციები, გამოხატული უცხოურ ვალუტაში, გადაიხდება ლარებში გადახდის დღეს არსებული ოფიციალური კურსის მიხედვით.

7. ფორს-მაჟორული გარემოებები

- 7.1. მხარეები თავისუფლდებიან პასუხისმგებლობისგან ვალდებულებების სრული და ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია წინამდებარე ხელშეკრულებით გათვალისწინებული ვალდებულებების შესრულება.
- 7.2. "დაუძლეველი ძალის" ქვეშ იგულისხმება გარემოებები, რომლებიც არ არსებობდნენ წინამდებარე ხელშეკრულების დადების დროს და რომელთა დადგომა და ზემოქმედება მხარეებს არ შეეძლოთ თავიდან აეცილებინათ და გადაელახათ, კერძოდ, ძლიერი ქარი (15მ/წმ-ზე მეტი), წყალდიდობა, მიწისძვრა, ომი და საომარი მოქმედებები, სამთავრობო ორგანოების მოქმედება, დაკავშირებული საკანონმდებლო აქტების მიღებასა და ცვლილებებთან, რომლებიც აუარესებენ წინამდებარე ხელშეკრულების სუბიექტების სამართლებრივ სტატუსს და რეჟიმს.
- 7.3. თუ ნებისმიერი ზემოთხსენებული გარემოება უშუალოდ იმოქმედეს ხელშეკრულებით ნაკისრი ვალდებულებების შესრულების ვადებზე, მაშინ ეს ვადები ამ გარემოებების მოქმედების დროს თანაბარზომიერად გაიზრდება.
- 7.4. მხარე, რომლისთვისაც ფორს-მაჟორული გარემოებების დადგომის გამო შეუძლებელი გახდა ვალდებულებების შესრულება ვალდებულია დაუყოვნებლივ, მაგრამ არაუგვიანეს ხუთი დღისა ამ გარემოებების დადგომიდან და დასრულებიდან, წერილობით აცნობოს ამის შესახებ მეორე მხარეს.
- 7.5. შეუტყობინებლობა და/ან დაგვიანებული შეტყობინების შემთხვევაში იგი კარგავს უფლებას,

დაეყრდნოს ფორს-მაჟორული გარემოებების არსებობას, როგორც პასუხისმგებლობისგან გათავისუფლების საფუძველს.

- 7.6. შეტყობინებაში მითითებული ფაქტები დადასტურებულ უნდა იქნეს კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 7.7. თუ დაუძლეველი ძალის მოქმედება გრძელდება ერთ თვეზე მეტ ხანს მხარეებმა უნდა მიიღონ გადაწყვეტილება ხელშეკრულების შეწყვეტისა ან გარემოებების და მიუხედავად გაგრძელების შესახებ. თუ მხარეები ვერ მიაღწევენ კომპრომისულ შეთანხმებას, დავას განიხილავს სასამართლო საქართველოს მოქმედი კანონმდებლობის შესაბამისად.

8. ხელშეკრულების ძალაში შესვლა და შეწყვეტის პირობები

8.1 ხელშეკრულება ძალაში შედის მისი ხელმოწერის მომენტიდან (წინამდებარე ხელშეკრულების პირველ გვერდზე დასმული თარიღი) და მოქმედებს 2015 წლის 31 დეკემბრამდე.

8.1. ხელშეკრულება შეიძლება შეწყდეს:

- 8.2.1. შემსრულებლის მიერ, თუ დამკვეთი არ ასრულებს წინამდებარე ხელშეკრულებით ნაკისრ ვალდებულებებს;
- 8.2.2. დამკვეთის მიერ, თუ შემსრულებელი სისტემატურად არ ასრულებს წინამდებარე ხელშეკრულებით ნაკისრ ვალდებულებებს;
- 8.2.3. მხარეთა წერილობითი შეთანხმებით;

9. დავის გადაწყვეტის წესი


- 9.1. წინამდებარე ხელშეკრულებით დაურეგულირებელი საკითხები გადაწყდება საქართველოს კანონმდებლობის შესაბამისად მხარეთა ურთიერთშეთანხმებით.
- 9.2. წინამდებარე ხელშეკრულებასთან დაკავშირებული ნებისმიერ დავა უნდა გადაწყდეს ურთიერთმოლაპარაკების გზით, წინააღმდეგ შემთხვევაში დავა განსახილველად გადაეცემა სასამართლოს.
- 9.3. მხარეები თანხმდებიან, რომ წინამდებარე ხელშეკრულებიდან გამომდინარე შემსრულებლის სასარგებლოდ გამოტანილი პირველი ინსტანციის სასამართლოს გამოტანილი გადაწყვეტილება მიექცევა დაუყოვნებლივ აღსასრულებლად საქართველოს სამოქალაქო საპროცესო კოდექსის 268-ე მუხლის 1¹ ნაწილის საფუძველზე.

10. დასკვნითი დებულებანი


- 10.1. დამკვეთს არ შეუძლია შემსრულებლის წინასწარი წერილობითი თანხმობის გარეშე მთლიანად ან ნაწილობრივ გადასცეს წინამდებარე ხელშეკრულებით გათვალისწინებული უფლებები და მოვალეობები მესამე პირს.
- 10.2. წინამდებარე ხელშეკრულების ნებისმიერი ცვლილება ან/და დამატება დასაშვებია მხოლოდ მხარეთა წერილობითი შეთანხმების საფუძველზე.
- 10.3. წინამდებარე ხელშეკრულების რომელიმე დებულების ან/და ნაწილის ბათილობა არ იწვევს ხელშეკრულების სრულ ბათილობას.
- 10.4. წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს;
- 10.5. ნებისმიერი შეტყობინება, კორესპონდენცია უნდა ატარებდეს წერილობით ფორმას.
- 10.6. ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად და ინახება მხარეებთან.

11. მხარეთა ხელმოწერები

სსიპ საინფორმაციო ცენტრი ნატოსა და
ევროკავშირის შესახებ
ქ. თბილისი გუდიაშვილის N7
ს/კ 202 303 765
სახელმწიფო ხაზინა


ელენე გოცაძე
დირექტორი

შპს "ალმა"
ქ. თბილისი ჭავჭავაძის N74/11
სს „საქართველოს ბანკი“
ს/კ 204873388
BAGAGE22
GE20BG0000000361572800



გიორგი გოცაძე
დირექტორი



სსიპ საინფორმაციო ცენტრი ნატოსა და ევროკავშირის შესახებ

დანართი № 1
 2015 წლის 23 ოქტომბრის სარეკლამო მომსახურების ხელშეკრულებაზე
 ქ. თბილისი
 23 ოქტომბერი 2015 წ.

№	სარეკლამო მონიტორის მდებარეობა	სარეკლამო მონიტორის რაოდენობა	სარეკლამო რგოლის ხანგრძლივობა (წამი) და გაშვების სიხშირე	განთავსების პერიოდი (ორივე თარიღის ჩათვლით)	განთავსების თვიური ღირებულება ლარში დღე-ს ჩათვლით
1	ფილარმონიის ფასადი	1	დღე-ღამეში 31 წამიანი სარეკლამო რგოლის 200-ჯერ გაშვება	24.10.2015.- 30.10.2015.	2840.00

სსიპ საინფორმაციო ცენტრი ნატოსა და
 ევროკავშირის შესახებ

შპს "ალმა"
 გენერალ-მენეჯერი
 დირექტორი



დანართი № 2

2015 წლის 23 ოქტომბრის სარეკლამო მომსახურების ხელშეკრულებაზე

ქ. თბილისი

23 ოქტომბერი 2015 წ.

№	მომსახურების ტიპი	მომსახურების ღირებულება ლარში დღე-ს ჩათვლით	გადახდის ვადა (მითითებულ თარიღამდე, თარიღი: რიცხვი/თვე/წელი)
1	განთავსების პერიოდი: 24.10.2015.-30.10.2015.	2840	29.10.2015.

სსიპ საინფორმაციო ცენტრი ნატოსა და
ევროკავშირის შესახებ

შპს "ალმა"

